

荊州府志卷之六十一

人物志十五

流寓

江陵縣

後漢

趙岐字臺卿京兆長陵人先是岐與中常侍唐衡兄珪有讐及珪尹京兆收岐家屬盡殺之岐遂避難四方興平元年會帝當還洛陽先遣衛將軍董承修理宮室岐謂承曰今海內分崩惟荊州境廣地勝年穀獨登兵人差全岐雖迫大命猶志報國家欲自南說劉表使其身自將兵來衛朝廷與將軍同獎王室承即表遣岐使荊州督租糧岐至劉表即遣兵詣洛陽助修宮室軍

四百三十一

荊州府志卷之六十一

流寓

資委輸前後不絕岐以老病遂留荊州桓典孔融上書薦之就拜岐爲太常年九十餘建安六年卒先自爲壽藏註冢在今荊州古郢城中多所述作著孟子章句三輔決錄傳於世後漢書本傳

司馬芝字子華河內溫人少爲書生避亂荊州於魯陽山遇賊芝坐守老母賊至以刃臨芝芝叩頭曰母老惟在諸君賊曰此孝子也殺之不義遂得免害以鹿車推載母居南方十餘年躬耕守節太祖平荊州以芝爲營長後仕至河南尹爵關內侯魏志本傳

晉

皇甫方回朝那人永嘉初避亂荊州閉戶閑居未嘗入城府蠶而後衣耕而後食先人後已尊賢愛物南土人士咸敬之刺史陶侃禮之甚厚每造之必後漢書望門輒下而進王敦遣從弟廙

代侃既至荊州大失物情百姓叛迎杜弼廢大行誅戮以方回
為侃所敬責其不來詣已收斬之荆土莫不流涕晉書

高悝廣陵人寓居江陵刺史華軼辟為西曹掾軼尋敗悝藏匿軼

二子及妻崎嶇經年既而遇赦攜之出帝嘉而赦之

樂廣字彥輔其先南陽人徙居江陵父方為魏參軍廣性沖約有
遠識王戎為荊州刺史舉廣為秀才轉太子舍人屢遷吏部尚

書左僕射以上縣志

宋

南朝

王鎮惡北海劇人客居荊州讀諸子兵書從橫善果斷喜論軍國
大事宋武帝伐廣固人或薦之武帝召與語異焉謂諸佐曰鎮
惡王猛孫所謂將門有將即以署前部賊曹拒盧循有功封博

四百五十三

荊州府志卷之六十一

流寓

二

陸五等子

南史本傳

梁

甄彬中山人法崇之孫

法崇永初中為江陵令傳見名宦

常以束苳就州長沙寺

庫質錢

長沙寺在草市見寺觀

後贖還於苳束中得五兩金以手巾裹之

彬得送還寺庫道人折其半以酬彬曰五月中披羊裘負薪豈

拾遺金者耶卒還之梁武帝踐阼以彬為益州參軍帶郾令將

行同列五人帝戒以廉慎至彬獨曰卿昔有還金之美故不復

以此言相屬由此名德益彰

南史本傳

陳

殷不害字長卿陳郡長平人梁元帝立因將家屬西上江陵之
也不害先於別所督戰失母所生時甚寒冰雪交下老弱凍死

者滿溝壑不害行哭道路遠近尋求無所不至遇見死人溝水中卽投身而下扶捧閱視舉體凍溼水漿不入口號泣不輟聲如是者七日始得母屍不害憑屍而哭每舉音輒氣絕行路爲之流涕卽於江陵權殯與王哀庾信俱入長安自是蔬食布衣枯槁骨立見者無不哀之

陳書孝行傳

周

宗如周南陽人事後梁蕭詧歷度支尙書卒子希顏希華知名希顏有文學仕至中書舍人希華博通墳典爲荆楚儒宗

周書蕭詧傳

唐

孟浩然襄陽人少好節義振人患難年四十乃遊京師嘗於太學賦詩一座嗟伏張九齡王維雅稱之後九齡爲荊州辟置幕府

四頁三

荊州府志卷之六十一

流寓

三

開元末卒

楚紀

杜甫字子美本襄陽人後徙河南鞏縣廣德二年春嚴武鎮成都甫往依焉武卒後蜀亂乃泛江遊嘉戎次雲安移居夔州大厯三年正月中旬去夔出峽三月至江陵秋發江陵移居公安憇此縣者數月歲暮之岳州有呈江陵幕府畱別公安諸詩見集中

中

參年譜及王註工部集序

王栖巖自湘州寓江陵白鷺湖善治易窮律候陰陽之術所居桃李四藩其宇時人比之董奉栖巖笑曰吾獨利其花核祛風導氣耳安敢比迹古人每清旦筮著取貲足一日爲生則閉齋治園大厯中嘗有老父持百錢求筮卦成參驗其年栖巖曰家去幾何父往矣不然將仆於道老父出栖巖顧百錢乃紙也因悟

其所驗之辰係栖巖甲子乃歎曰吾少而治易不意能幽入鬼
鑒死復何恨乃沐浴更衣與妻子訣少時而卒

渚宮故事

袁滋字德深蔡州朗山人彊學博記少依道州刺史元結讀書自
解其義結重之後客荆郢間學廬講授建中初黜陟使趙贊薦

於朝

唐書本傳

崔珏字夢之嘗寄家荊州登大中進士第由幕府拜祕書郎爲淇

縣令有惠政官至侍郎

全唐詩小傳

鄭谷宜春人唐乾甯中寓居白社有渚宮亂後詩曰白社已應無

故老清江依舊繞空城

江陵縣志

五代

梁震邛州依政人登進士第梁開平初歸蜀道過江陵武信王高

四百五十五

荊州府志卷之六十一

流寓

四

季興喜其才識留之不遣欲奏爲判官震自以唐臣恥爲強藩
屬吏卽亡去又恐及禍乃曰震素不慕榮宦明公不以震爲愚
以白衣侍樽俎可也王心重之俾與司空薰王保義同爲賓客
而震獨不受辟署稱前進士王亦時時呼爲先輩及文獻王從
誨繼立震常謂爲郎君王爲之築室於土洲被鶴擎自稱荆臺
處士所著文集一卷行世

十國春秋

宋

張惟孝字仲友襄陽人開慶元年卜居江陵至沙市眾舟大集不
可涉頃有義冠張蓋從者數十則宣撫姚希得之弟也令曰敢
有爭岸者投水中惟孝睥睨良久提劍驅左右而出舉白旗以
麾令眾船登岸毋敢亂次幹官鍾蜚英見而異之以告唐舜申

舜申曰吾故人也具言惟孝平生慕之今日正我輩趨事
赴功之秋惟孝不答又叩之則曰朝廷負人明日蜚英導希得
羅致之宴仲宣樓蜚英酒酣曰有司而後有家天下爲此將安
歸乎惟孝躍然曰從公所命乃請空名帖三十以還逾旬與三
十騎俱擁甲士五千至旗幟鮮明部伍嚴肅上至公安下至墨
山游踏相繼希得大喜請所統姓名惟孝曰朝廷負人福難禍
易聊爲君侯紓一時之難其姓名不可得也時鼎澧五州危甚
於是擊鼓耀兵不數日眾至萬人數戰俱捷江上平制使呂文
德召之不就而遁物色之不可得或云已趨淮甸後不知所終

宋史
本傳

元

四百五十九

荊州府志卷之六十一

流寓

五

宋本字誠夫大都人常從父正官江陵江陵王奎文明性命義理
之學本往質所得造詣日深善爲古文辭峭潔刻厲多微辭年

四十始還燕

元史
本傳

明

蔣杰字美若貴州人萬厯己丑進士官知府僑居江陵之沙市琴
書嘯傲時往來於田畯禪那間詩文千百言一揮而就書法與

董其昌黃輝齊名至今爭相寶重

湖廣
通志

虞客卿字子墨巴陵人流寓沙頭賦性狷介與孫鵬初曾退如交
善唱和相雄長病革日友人問所歸歎曰生無益於世死填溝
壑足矣因葬段堤寺側詩見雷叔聞郢里陽春集

鄂
書

何璧字玉長福清人張濤死入楚哭之遂以病死濤門人胡汝濱

權關荊州買棺葬之沙市爲石表曰閩俠士何璧墓或曰王長
臨終念佛坐化藏塔在袁石公蘭若之右秣陵艾容入荆有詩
弔之

列朝詩
集小傳

宋登春字應元趙郡新河人壯歲髮白自號海翁常至江陵遼王
奇其詩召謁便殿一夕遁去至是復來感昔賢流寓之迹買田
天鵝洲家焉歲穫菽十斛雜米而炊晝夜哦詩不絕口吳人徐
學謨爲荊州守自往物色之至再始見明日戴紫幘冠衣阜繪
衫報謁踞上坐隸人皆竊罵之守爲受室城中約移居日往訪
屬有參謁者盱往生鍵扉卧不納守令人穴垣入生方科跣席
一藁僵卧壁下守強起之索酒盡懽而罷守罹景藩之難赴逮
江夏生送至岳陽而返自庶人廢後生悒悒不樂去江陵浪遊

四百八十七

荊州府志卷之六十一

流寓

六

七澤間石首豪張氏浮慕生與結詩社生面毀其詩張氏伺生
醉伏奴狙擊之賄縣令械而出諸境他少年憐生者破其械而
佚之乃自童髮爲頭陀徒跣乞食守起家巡襄上武當遇之三
天門與一月糧別去不知所之

徐學謨驚
洲生傳

孔尙國曲阜人六十四代 聖裔寓江陵世襲奉祠生縣中一切
夫土雜徭俱準闕里恩例優免尙國事親以孝聞年八十三卒

孔氏
世系

國朝

孫豫謙原籍奉天祖父皆顯宦至謙始籍江陵秉性淡泊幕遊吳
豫楚南值賊氛熾乃絕意進取家故富其弟耗用罄盡謙
與競中歲屢絕炊冬月擁薦長眠絲粒未嘗妄干晚工醫貧

乞方輒與勢家啗以利弗應貴冑中不數覲也

縣志

公安縣

漢

韓暨南陽名士漢末避袁術之命徙居不出劉表復辟之遂遁居

孱陵

梁

陳啟祖梁散騎常侍封益陽公智者禪師之父也

唐

杜甫避安史之亂入蜀依嚴武醉後戲謔爲隙卜居孱西大厯三

年秋至公安憩息數月有畱別公安諸詩

以上舊府志

宋

三百三十五

荆州府志卷之六十一

流寓

七

毛仲材江西吉水進士理宗時諫議大夫以使事過公安樂刀環

山水之勝遂卜居焉至今子孫繁盛所居號曰官莊

元

杜淑賢其先蘄水人元總兵復一孫復一官荊州父奇秀愛公安

土地平衍人民樸實卜斗湖堤家焉元季大亂邑城瀕江賊往

來無虛日淑賢善騎射足智勇募衆與賊拒明東平侯韓政宣

甯侯曹良臣皆危之淑賢散貲財以固衆心旦夕籌畫水陸交

防卒保無慮洪武初以功授總鎮將軍世襲百戶

明

張德遠吉水人由鄉舉授大理寺評事時蜀地紛擾奉命討平洪

武間致仕遊公安因家焉

人端潁州別駕解組遷都陽縣隨父彪由進士任公安知縣遂家
馬明洪武四年分居黃岡復分居黃安

李洪以父明初隨湘王調補荊州衛洪襲父職籍公安舊縣西門
有官衙西湖廟有官田洪歿子廷鳳承襲

張嗣祖江西南昌縣人永樂間進士任寶慶知府後遊公安遂家
焉其子克恭置平里王姓產因里版難易遂易姓王今訓導王

受福其裔也

以上縣志

石首縣

晉

劉麟之字子驥南陽人光祿大夫耽之族也少尚質素虛退寡欲
不修儀操人莫之知好遊山澤志存遯逸車騎將軍桓沖聞其

四百二十四

荊州府志卷之六十一

流寓

八

名請爲長史固辭不受居於陽岐

按陽岐山在石首

在官道之側人物

來往莫不投之麟之躬自供給時士君子頗以勞累更憚過焉
凡人致贈一無受去麟之家百餘里有一孤姥病將死歎息謂
人曰誰當埋我惟有劉長史耳何由令知麟之先聞其有患故
往候之值其命終乃身爲營棺殯送之其仁愛隱惻若此卒以

壽終

晉書隱逸傳

唐

李遜字友道隴西人世寓荊州之石首登進士第辟襄陽掌書記
累官至刑部尚書長慶三年卒遜幼孤與其弟建皆安貧苦易
衣併食講習不倦兄造知二弟賢日爲營丐成其志業兄弟同
致休顯士君子多之

舊唐書本傳

李建宇杓直幼孤孝養太君太君老疾常曰後子勸吾食善輒飽
勸吾藥吾疾瘳後子建小字也及長居荊州石首縣環其居數
百家凡爭鬪稍就入決漢及鄉人不詣府縣皆相率曰請問李
君厯官至刑部侍郎卒贈工部尙書白居易有唐善人碑
宋

李仁用山東昌邑人寶慶二年由賢良總領荆屬財賦卒於荆墓
在龍蓋山南左丞相吳潛銘焉

趙恢宗室江都營王孫初封東平郡王改封荆楚卒葬華容子孫
隨墓家於縣南

王應祥字符瑞山西河曲人官兵部車駕司子軒戶部侍郎靖康
之變隨高宗南渡因家縣南孫珏鈞鉞皆登顯仕

四百一十一

荊州府志卷之六十一

流寓

九

張官字永政江西張許貴孫歲薦僑居縣南之澧田
元

唐元亨浙江東陽人與義烏黃文憲公同門初任縣學教諭遷長
林任滿過石首門人畱之著有書傳發揮十二卷元季燬於兵
傅鼎孫江西新喻人元末任縣學教諭兵亂不得歸遂家焉

張伏源號崙泉山東高密人元末任石首學官解組後卜居調絃
南今其地名鞦韆樹

明

郭晉原籍江西豐城成化時任秀水縣丞後潛身隱江陵旋遷邑
東境居焉

李逢春號禹甸明洪武中爲縣令情殷撫字催科不

擾士庶德之城傾圯捐廉修築後卜居石邑

倪旺廣德人由百戶遷指揮使洪武間家石首

趙必宏字壺春江西臨川人性好山水洪武初僑居石首子孫遂著籍焉

徐嘉浙江常山人正統間任縣學訓導教人以寬任滿門人汪浩畱之因家焉

閔逸江西南昌人正統中以貢士官應天府通判任滿歸遍遊名都愛繡林山水之勝因卜居阜聚門外

徐鉉字寬九江西臨川人成化間以雲南道御史謫判安陸州過石首山樂其形勝已而卒於官遺令子太常寓居於此著有家訓十二則

四百三十三

荆州府志卷之六十一 流寓

十

國朝

扶一鰲仙遊人貢生官石首招撫流亡詳草陋規著有善政以疾告歸值耿逆之變道路梗塞遂籍於此

張得名字宜南荆門州人任乾西守備乞養歸隱於醫康熙丁亥與縣令陸紫飛善來石首遂家焉誼端學博工詞賦著有魏草行世

汪明宇祖籍休寧官辰之沅陵以世亂不得歸明宇磊落慷慨常往來荊州樂石首山水舟過武陵有市僧劉姓者遺金數百明宇拾得艤舟以待劉果以失金將逼其婦於水遂還之感泣去始遷居白洋酒興邑中能文者結納已乃厭器塵卜地於靖忠坊命三子築宇讀書而自擇善地建福慧菴置香火田數十畝

夫婦移居其中年九十餘卒

胡藩字虞尊浙江會稽人康熙五十四年任歸州牛口司巡檢轉鶴峰州吏目年八十致仕寓居石首遂占籍焉

余廷立字端笏安徽黟縣人父學祖客遊湖湘廷立率子應庚往來定省愛楚中山水雍正初應庚來石首定居城內之西偏廷立將卒命應庚以二子之煥歸黟奉墳墓以家事委長子儋州知州之光應庚乃課三子之芳四子杰讀書卒年七十二

以上縣志

監利縣

明

劉浩陝西靈臺人正統間以河南道御史謫監邑河泊所與令華陰解君懽相得遂家焉

四百六十八

荊州府志卷之六十一

流寓

十一

潘安江陰人洪永間寓監利與裴太史綸輩相友善嘗爲人題村樂圖有云羞作麒麟客甘爲鹿豕民風操可想云

彭淵字南深江西南昌人嘉靖間客遊楚時邑紳李公夢祥以思甯太守致仕家居禮賢好士一見器之畱館於家朝夕相親每語人曰如彭某者其胸襟則光風霽月其議論則千將莫邪直良友也嘗從李公春行江畔見華容諸峰蒼翠屏列慨然有卜居之意及歿遂葬於西門外俗所謂鳳皇背者有術士謂邑建如鳥形學宮當其脊縣治當其頸茲墓當其嘴鳥以啄鳴殆奪一邑之秀後以孫貴贈桂林兵備道

魯嘉本吳縣人萬厯時棲遲湘漢篇翰之妙世爭傳之精研掌故尤畱心經濟益有託以遊者高監利甚久遂著籍於此

程錢璉號雲川休甯人萬厯中年客遊三盤棋遂著籍焉輕財好義事所當爲者踴躍居先而於一本之親體卹尤至子之洛康熙丙午亞魁官衡州教授

朱若萊字來碩麻城人明末避寇寓縣北遂家焉邑大姓馬氏延置家塾馬爲仇家所戕若萊不避險艱爲白諸大吏置仇於法弱冠爲諸生精貫博洽從遊甚衆剛方義俠至今稱之

國朝

胡世賢監生通城人於楊林磯設義渡造大小船各數隻以便灘淺撥送共捐銀一千八百兩田十八石爲舟子工食資近岸各造屋以棲行旅督撫給惠濟湘江額立碑旌之

周超伯咸甯人武生嘗寓監利目擊武斷之害乃投牒制府極言書役侵工之弊邑廩生王名沂朱煊等和之得如所議遂改爲民徵民修設局董治鄉民至今賴之子昌奇道光壬午舉人官直隸知縣

周滙宗咸甯人道光己丑進士其家久寓邑北門貨殖爲業道光庚寅辛卯連遭水患饑殍盈塗乃捐金買油菜子遇荒田卽與人種之所生全者不少後官天台知縣

以上縣志

宜都縣

齊 南朝

解叔謙字楚梁鴈門人也母有疾叔謙夜於庭中稽顙祈福聞空中語云此病得丁公藤爲酒便差卽訪醫及本草注皆無識者乃求訪至宜都郡遂上之 丁公 公伐木問其所用答曰此丁

公藤療風尤驗叔謙便拜伏流涕具言來意此公愴然以四段與之並示以浸酒法叔謙受之顧視此人不復知處依法爲酒母病卽差

南史孝義傳

吳寶揚州人洪武間任宜都知縣卒於官無力歸櫬遂家此名見職官

國朝

沈亦琛字石友高郵人貴州籍萬厯末隨父嗣振任宜都教諭因而寓居丙子貴州鄉試中式仍還宜都癸未北上彝陵翰林文安之贈以詩後畱京值國變未歸國初官河南巡道復還宜都祭父墓畱一年去

向維時巴東人本向遜後以軍功授貴陽知府順治十七年降延

四百零五

荆州府志卷之六十一

流寓

三

平同知著有閩楚詩集歸愛縣中山水遂家宜都

楊文光山西籍寓江陵乾隆六十年以義勇從軍湖南征苗有功授宜都營千總後調宜都遂居此年八十四卒

以上縣志

方外

江陵縣

周

王子者姓韋名震南郡人少好學眾經周幽王徵之不出師長桑子具受眾術別造一家之法著道書百餘篇其術以務魁爲主而精於五行之意演其微妙以義性治病能起飄風作雷雲雨霧能以木瓦石爲六畜龍虎立成能分形爲百千人能涉江海含水噴之皆成珠玉亦不變或時閉氣不息舉之不起推之不

動屈之不由伸之不直或百日數十日乃起每與子弟行各犬泥爲馬皆令閉目須臾成大馬乘之日行千里又能吐氣五色起數丈見飛鳥過指之卽墮臨淵投符召魚鼈之屬悉來上岸能令弟子舉眼見千里外物亦不能久也其霧魅時以器盛水著兩肘間噓之水上立有赤光輝輝起以此水治病病在內者飲之在外者洗之皆立愈後入崆峒山合丹白日昇舉神仙傳宋來子楚莊王時人爲市長恆灑掃一市時有一乞者入市經日恆歌曰天庭發雙華山源彰陰邪清晨按天馬來諸太真家真人無那隱又以滅百魔恆歌此乞食一市無解者獨來子忽悟疑曰仙人然亦未解其歌也遂師之棄官追逐積十三年得授仙道來子今在中嶽乞者西嶽真人馮延壽周宣王史官真誥

晉

釋曇翼出家事安公爲師後居長沙寺翼常歎寺立僧足而形像尙少晉太原中忽有一金像現於渚宮城北翼聞乃往祇禮謂衆曰當是阿育王像降我長沙寺卽令弟子三人捧接迎至寺其後罽賓禪師從蜀下入寺禮拜見像光上有梵字便曰是阿育王像何時來此時人方知翼言不謬高僧傳僧法顯平陽人姓龔江陵新寺僧也隆安三年自長安西渡流沙求取經像仍至荆卒於新寺年八十六

宋

南朝

法遇道安弟子嘗止江陵長沙寺講說眾經受業者四百餘人有一僧飲酒過但罰而不遣安公聞之遙以竹盛一劑子

遇曰此由飲酒也於是伏地令維那行杖三下垂淚自責因之學人勵業甚眾既而與慧遠書曰吾人微識短不能率眾和尙

高僧傳

雖隔在異域猶遠垂憂念吾罪深矣後卒於江陵年六十

尼慧玉長安人行業勤修後住江陵靈收寺元嘉十四年十月夜

見寺東樹有紫光爛起輝映一林以告同學妙光等悉弗見二

十餘日後寺主法元將於樹下營築禪基仰首條間得金彌勒

荆事搜伏

坐像高尺餘靈收古刹蓋荆尼寺之最先者

慧遠沙門者江陵長沙寺僧也本慧印禪師蒼頭名黃遷年二十

時印入定每見遷是其先世師故度爲弟子常寄江陵市西楊

道產家行船勤苦頗有感變或一日之中赴十餘處齋悉見遷

在眾稍敬異之以爲得道孝建初自言死期闔郡爲設齋起塔

塔今尙存久之現形多寶寺謂曇珣道人云明年某日當與諸

天共相迎也珣於長沙禪房設齋九十日至其日空中有奏樂

聲馨香甚異珣曰黃遷之契今其至矣三更中眾僧始還堂而

珣已盡

冥祥記

曇邕遠公弟子關中人形長八尺雄武過人精於戒律山神受法

後住荊州卒於竹林寺

高僧傳

釋曇斌姓蘇南陽人十歲出家住江陵新寺袁粲請爲母師顏延

之書云安汰吐珠玉於前斌亮振金聲於後清言妙緒將絕復

興

高僧傳

元暢法師初憩長沙寺舒手出香掌中流水種種神變莫之測也

宋末乃西適蜀止齊后山

高僧傳

求那拔陀羅天竺僧也南譙王鎮荊州請與俱行安止新寺譯講
華嚴莫能酬抗元嘉末王屢有怪夢拔陀曰京師將有禍亂未
及一年元凶構逆及孝建初譙王陰謀逆節師容顏憂悴未及
發言王問其故進諫懇切且流涕曰必無所冀貧道不容扈從
王以物情所信逼與俱下梁山之敗師投身江中神祐得免
邵碩益州道士始康人元徽二年忽告人云吾命終因卧而死後
人見碩在荊州上明以一隻故履縛左腳而行甚疾遂不知所
之

南史齊始興王鑑傳

齊

僧致者江陵人家世奉法年十七得病危篤求福不愈一巫云此
郎福力猛盛自有善神從之然命運或將有限試爲探之於野

四百九十八

荊州府志卷之六十一

方外

去

設酒脯經七夕始有感見見諸善神俱爲所禱已益兩算矣尋

差又二十四年而終

冥祥記

釋慧安不知何許人年十八出家止江陵枇杷寺風貌庸率稍顯
靈跡嘗晦夕偕同學慧濟上堂布薩堂戶未開安乃綰濟指從
壁隙而入後謂濟曰吾前後事跡慎勿妄說惟西南有一白衣
是新發意菩薩可具爲說之於是附商船入湘州中路患痢出
卧岸側夜見火焰從身而出商怪懼往觀已氣絕矣商船至湘
安已先在俄又不知所之慧濟後詣陟岵寺與隱士劉虬具言
其事虬卽起遙禮之曰此得道之人入火三昧也

高僧傳

釋僧慧姓劉不知何許人在荆數十年劉虬住陟岵寺請以屈之
時人初見已五六十終亦不老甚威儀凡未識者並悉其親

表存亡嘗至江津求渡吏迫舟小未及過之須臾已見慧在彼岸永明中文惠太子要至京過寶誌誌撫其背曰赤龍子他無所言慧後還荆見鎮西長史劉景莊忽痛泣而捉之數日莊爲刺史所害後不知所終或云永元中卒於長沙寺

高僧傳

僧景姓歐陽湘鄉人幼好誦經及長味道蔬食忽夢廬山之神迎之飄然長往於時江陵僧徒多有行業或告曰荆州法事太盛因西浮遇僧淨道人深解禪定乃曰真吾師也遂落髮從焉住竹林禪房默然思道刺史聞風欲相招或曰此公可就見不可屈致也於是累詣草廬服膺請戒江漢人士回向如雲先是神山廟靈驗如響師考室其旁神遂見形爲禮使兩神童朝夕立侍有女巫見而問之師不答永明十年始往廬阜建武四年示

四百七十五

荆州府志卷之六十一

方外

七

寂

廣宏明集

梁

釋亡名本姓宋南郡人弱齡遁世吟嘯邱壑長富才華事梁元帝深見禮待梁亡遠客岷蜀會周氏跨有井絡齊王鎮蜀亦加禮焉多所著述有集十卷行於世

釋法聰新野人卓然神正性潔如玉築室襄陽繖蓋山神異種種

慈救爲先梁太平間寂於江陵天宮寺

高僧傳

鄧郁字彥達江陵人隱衡山洞靈臺之岐嶺板屋二間足不下山惟以澗水服雲母屑嘗和金石爲丹武帝建五嶽樓駐之一日青鳥降於隱所語弟子曰汝之甚勞得之甚逸吾當去矣無疾而逝